

全華叢書



金華叢書



大事記解題卷十一

宋呂祖謙撰

郡後學胡鳳丹月樵校梓

漢孝景皇帝二年令天下男子二十始傅

解題曰顏師古曰舊法二十三今此二十更爲異

制也傅讀曰附

春三月甲寅立皇子德爲河間王闕爲臨江王餘爲淮陽王非爲汝南王彭祖爲廣川王發爲長沙王

解題曰按五宗世家德闕皆栗姬子也餘非皆程姬子也彭祖賈夫人子也發唐姬子也榮乃栗姬

長子而不立者將建儲故也河間國都樂成今河
間府樂壽縣臨江國都江陵今江陵府淮陽國都
陳今陳州宛丘縣汝南國都平輿今蔡州平輿縣
廣川國都信都今冀州信都縣長沙國都臨湘今
潭州長沙縣

六月丞相故安節侯申屠嘉薨

解題曰自嘉之死漢相之威權遂奪矣御史大夫
雖副貳丞相之官今鼂錯爲之陶青特充位而已
體統不正蓋自此始

秋與匈奴和親

解題曰脩去年代下之約也

八月丁未以御史大夫開封侯陶青爲丞相

解題曰按史記列傳自申屠嘉死之後景帝時開

封侯陶青桃侯劉舍爲丞相

徐廣曰陶青高祖功臣陶舍之子也諡夷

劉舍本項氏親也賜姓劉氏父襄佐高祖有功舍諡哀侯

及今上

謂武帝也時栢至

侯許昌

徐廣曰高祖功臣許溫之孫諡哀侯

平棘侯薛澤

徐廣曰高祖功臣

平侯薛歐之孫

武彊侯莊青翟

徐廣曰高祖功臣莊不識之孫

高

陵侯趙周

徐廣曰周父夷吾爲楚王戊太傅爭而死之

等爲丞相皆以

列侯繼嗣

音七角反

廉謹爲丞相備員而已無所

能發明功名有著於當世者

彗星出東北雨雹於衡山熒惑逆行守北辰月出北辰間歲星逆行天庭中

解題曰史記景帝紀載災異甚悉漢書皆畧之豈非以旣見五行志不復重出歟失其旨矣

漢孝景皇帝三年冬十月梁王武來朝詹事竇嬰以病免太后除嬰門籍

解題曰按史記梁孝王世家二十五年復入朝是

時上未置太子也上與梁王燕飲嘗從容言曰千秋萬歲後傳於王王辭謝雖知非至言然心內喜太后亦然其春吳楚齊趙七國反皇太后皇后太子各置詹事是時竇嬰必爲太后詹事故於母子燕飲之際得以舉罰爵也嬰雖免官猶以外戚通門籍竇太后惡正論故併與門籍除之褚先生曰臣爲郎時聞之於宮殿中老郎吏好事者稱道之也竊以爲今梁孝王怨望欲爲不善者事從中生今太后女主也以愛少子故欲令梁王爲太子梁

王上有太后之重驕蹇日久數聞景帝好言

萬世之後傳王而實不行大臣不時正言其不可
狀阿意治小私說意以受賞賜非忠臣也苟如魏
其侯竇嬰之正言也何以有後禍

楚王戊來朝削其東海郡

解題曰按世家戊立二十年冬坐爲薄太后服私
姦削東海郡春戊與吳王合謀反

削吳王豫章會稽郡吳王濞楚王戊趙王遂膠西王
卬濟南王辟光菑川王賢膠東王雄渠反南連越北

連匈奴吳楚圍梁膠西濟南菑川膠東圍齊帝以中尉周亞夫爲太尉將三十六將軍擊吳楚故詹事竇嬰爲大將軍屯滎陽曲周侯酈寄擊趙將軍樂布救齊赦天下斬御史大夫晁錯以謝七國周亞夫壁昌邑南以梁委吳而絕其糧道二月吳楚食盡引去亞夫追擊大破之楚王戊自殺三月東越斬吳王濞於丹徒樂布敗諸侯兵解齊圍齊王將問自殺膠西王卬濟南王辟光菑川王賢膠東王雄渠皆伏誅立齊太子壽爲齊王夏六月乙亥徙淮陽王餘爲魯王汝

南王非爲江都王立子端爲膠西王勝爲中山王宗
正禮爲楚王秋九月酈寄樂布滅趙趙王遂自殺
解題曰按史記本紀吳王濞楚王戊趙王遂膠西
王卬濟南王辟光菑川王賢膠東王雄渠反發兵
西鄉天子爲誅鼂錯遣袁盎諭告不止遂西圍梁
上乃遣大將軍竇嬰太尉周亞夫將兵誅之漢書
本紀則曰吳王濞膠西王卬楚王戊趙王遂濟南
王辟光菑川王賢膠東王雄渠皆舉兵反大赦天
下遣太尉亞夫大將軍竇嬰將兵擊之斬御史大

夫晁錯以謝七國二月壬子晦日有蝕之諸將破
七國斬首十餘萬級遣斬吳王濞於丹徒膠西王
卬楚王戊趙王遂濟南王辟光菑川王賢膠東王
雄渠皆自殺合二紀而觀之敘次之先後去取之
詳略孰優孰劣必有能辨之者矣吳王遣諸侯書
曰吳王劉濞敬問膠東王膠西王菑川王濟南王
趙王楚王淮南王衡山王廬江王故長沙王子如濞
曰吳芮後四世無子國除庶子二人爲列侯不得嗣王志將不滿故誘與之反也幸教寡
人以漢有賊臣無功天下侵奪諸侯地使吏劾繫

訊治以僇辱之爲故不以諸侯人君禮遇劉氏骨
肉絕先帝功臣進任姦宄註亂天下欲危社稷陞
下多病志失不能省察欲舉兵誅之謹聞教諸侯未嘗
有此書吳王託爲之辭耳亦欲染汙之令其必反
也齊王後悔背約北守濟北王城壞未完其郎中
令劫守王不得發兵淮南王欲發兵應吳其相城
守不聽臨江王弗聽而往來使越惟衡山王堅守
無二
心微國雖狹地方三千里人雖少精兵可具五

十萬寡人素事南越三十餘年其王君皆不辭分

其卒以隨寡人又可得三十餘萬觀吳王既敗度江走丹徒保東

越兵可萬餘人乃使人收聚亡卒則百越
寡人雖蓋亦分兵隨吳也但此書多張虛數也

不肖願以身從諸王

自此以下部分諸國入寇之路也

越直音長

沙者因王子定長沙以北西走蜀漢中告越

是時長沙

定王已立長沙以北皆漢郡縣吳芮子孫雖有二

人爲列侯實未嘗從吳南越亦未嘗實爲吳用特

以此路無人入寇故張此虛聲耳顏師古曰王子

定長沙已北而西趣蜀及漢中平定以訖使報南

越楚王淮南三王與寡人西面
本約如此淮南三王不反故吳獨與

梁楚攻齊諸王與趙王定河間河內或入臨晉關或

與寡人會雒陽
齊諸王謂膠東膠西菑川濟南也趙涉說周亞夫出武關抵洛陽間

不過差一二日直入武庫擊鳴鼓而吳亦燕王趙

欲會洛陽蓋形勢所在當時所共知也王固與胡王有約燕王北定代雲中搏胡眾入蕭

關走長安燕王不反匈奴亦不肯入邊故趙獨受圍使如吳王之約則關中腹背受敵亦

難支也匡正天下以安高廟願王勉之楚元王子淮

南三王或不沐洗十餘年怨入骨髓賈誼不欲封淮南諸子蓋

為是也楚元王子未嘗怨漢特誘之同反耳欲一有所出之久矣寡人

未得諸王之意未敢聽今諸王苟能存亡繼絕振

弱伐暴以安劉氏社稷之所願也敝國雖貧寡人

節衣食之用積金錢脩兵革聚穀食夜以繼日三

十餘年矣凡皆為此鄧公之言於此可驗願諸王勉用之寡

人金錢在天下者往往而有非必取於吳諸王日

夜用之弗能盡有當賜者告寡人寡人且往遺之

敬以聞七國反書聞天子天子乃遣太尉條侯周

亞夫將三十六將軍往擊吳楚遣曲周侯酈寄擊

趙將軍樂布擊齊為齊地大將軍竇嬰屯滎陽監

齊趙兵監酈寄樂布兵也寶嬰與晁錯削諸侯地至是其言驗故用之且太后之親也

拜袁盎為太常吳王弟子德侯通為宗正及晁錯

已誅遣盜奉宗廟奉宗廟之命也太常掌宗廟者也宗正輔親戚

以親戚恩意使告吳條侯將乘六乘傳會兵滎陽

曉告之也調發郡縣兵皆竟趣滎陽周亞夫特乘傳舍之而

已此古者發兵之常也左傳楚子乘駟會師于臨

品是也亞夫既發至霸上趙涉遮說亞夫曰涉賤無

故遮說亞夫與三老董公遮說漢王同高帝之滅項氏亞夫之定七國其謀乃出於道旁一夫之言

則人才豈有窮哉吳王素富懷輯死士久矣此知將軍且

行必置間人於殺黽阨陘之間此入函谷關正路也且兵事

上神密將軍何不從此右去走藍田此奇道也顏師古曰右謂

少西去也出武關抵雒陽間不過差一二日顏師古曰謂右去行

遲止一日也直入武庫擊鳴鼓諸侯聞之以為將軍從

天而下也桓將軍說吳王即此策也太尉如其計至雒陽使吏

搜殺黽間果得吳伏兵乃請涉為護軍太尉乘傳

車將至河南得劇孟喜曰七國反吾乘傳至此不

自意全

兵皆會於滎陽故至維陽尚乘傳未有兵眾也

又以爲諸侯已得

劇孟劇孟今無動

袁盎曰吳安得豪傑而誘之誠令吳得豪傑亦且輔王爲義不

反也豪傑雖非皆知義然識事勢者也當是時漢豈可動哉此劇孟所以不爲吳用也

吾據

滎陽滎陽以東無足憂者

桓將軍詭吳王曰吳多步兵步步利險漢多車騎

車騎利平地大王徐行留下城邑漢車騎至馳入梁楚之郊事敗矣滎陽以東卽梁楚之郊矣至

淮陽問父絳侯故客鄧都尉曰策安出客曰吳兵

銳甚難與爭鋒楚兵輕不能久方今爲將軍計莫

若引兵東北壁昌邑以梁委吳吳必盡銳攻之將